

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 15 de marzo de 2023, da Dirección Xeral de Recursos Humanos, pola que se fai público o acordo do tribunal que xulga o proceso selectivo para o ingreso na categoría de cociñeiro/a, convocado pola Resolución do 13 de decembro de 2019, relativo á baremación definitiva da fase de concurso e á publicación dos/das aspirantes seleccionados/as.

A base oitava da Resolución da Dirección Xeral de Recursos Humanos, do 13 de decembro de 2019 (*Diario Oficial de Galicia* núm. 245, do 26 de decembro), pola que se convoca concurso-oposición para o ingreso na categoría de cociñeiro/a do Servizo Galego de Saúde, dispón que contra os resultados da baremación provisional os/as aspirantes que o consideren oportuno poderán presentar reclamación, ante o propio tribunal, no prazo de dez días hábiles contados a partir do seguinte ao da súa publicación no *Diario Oficial de Galicia*.

Á vista das reclamacións presentadas ou apreciado de oficio polo órgano de selección algún erro material na baremación provisional asignada aos/ás aspirantes, o tribunal efectuará as oportunas correccións e aprobará as puntuacións definitivas da fase de concurso e a relación de aspirantes seleccionados/as, pola orde de puntuación acadada nas diferentes quendas de acceso, e elevará esta relación á autoridade convocante para a súa publicación no *Diario Oficial de Galicia*.

Na base novena da citada resolución dispense, ademais, que os/as aspirantes definitivamente seleccionados/as disporán do prazo dun mes contado desde o día seguinte ao desta publicación, para a presentación da documentación preceptiva exixida na convocatoria.

De conformidade co anteriormente exposto, esta dirección xeral, como órgano convocante do proceso,

RESOLVE:

Primeiro. Publicar na páxina web do Servizo Galego de Saúde (www.sergas.es) o acordo do tribunal, relativo á puntuación definitiva da fase de concurso obtida polas persoas aspirantes que superaron a fase de oposición do proceso selectivo para o ingreso na categoría de cociñeiro/a, convocado pola Resolución do 13 de decembro de 2019.



Cada aspirante poderá consultar, ademais, o detalle da puntuación obtida nas distintas epígrafes do baremo, no seu expediente electrónico persoal en Fides/expedient-e/sección de procesos.

Segundo. Publicar, como anexo desta resolución, a relación dos/das aspirantes seleccionados/as neste proceso, segundo a orde de puntuación acadada nas diferentes quendas de acceso de conformidade co número de prazas convocadas e a previsión contida na base 1.4.3 da resolución de convocatoria.

Terceiro. De conformidade coa base 9.1 da convocatoria, os/as aspirantes seleccionados/as que se relacionan no anexo desta resolución disporán do prazo dun mes, contado desde o día seguinte ao da súa publicación, para a presentación da seguinte documentación:

a) Declaración, baixo a súa responsabilidade, de non ter sido separado/a do servizo, mediante expediente disciplinario, de calquera servizo de saúde ou Administración pública nos seis anos anteriores á convocatoria, nin estar inhabilitado/a con carácter firme para o exercicio de funcións públicas nin, de ser o caso, para a correspondente profesión.

No caso dos/das nacionais doutro Estado, non estar inhabilitado/a, por sanción ou pena, para o exercicio profesional ou para o acceso a funcións ou servizos públicos nun Estado membro, nin ser separado/a, por sanción disciplinaria, dalgunha das administracións ou servizos públicos nos seis anos anteriores á convocatoria.

b) Certificado médico oficial en que se acredite a capacidade funcional necesaria para o desempeño das funcións propias da categoría.

c) Por exixencia do artigo 57 da Lei orgánica 8/2021, do 4 de xuño, de protección integral á infancia e á adolescencia fronte á violencia, certificación do Rexistro Central de Delinquentes Sexuais e de Trata de Seres Humanos de non ter sido condenado/a por sentenza firme por algún delito contra a liberdade e indemnidade sexual ou, na súa falta, autorización escrita ao Servizo Galego de Saúde para consultar os datos contidos no citado rexistro e solicitar no seu nome a oportuna certificación.

Esta autorización deberase presentar no modelo que para o efecto consta na páxina web do Servizo Galego de Saúde, na epígrafe relativa a emprego público (www.sergas.es/ emprego público).



d) Declaración, baixo a súa responsabilidade, de non ter a condición de persoal estatutario fixo da mesma categoría a que opta.

e) Os/as aspirantes seleccionados/as que accederon pola quenda de persoas con discapacidade deberán achegar neste prazo, ademais da documentación anterior, orixinal ou certificación compulsada acreditativa do mantemento dos requisitos para accederen pola correspondente quenda, de non ter carácter definitivo a resolución pola que se lles recoñeceu a discapacidade, e que foi achegada dentro do prazo de presentación de solicitudes.

De conformidade coa base 9.2 da Resolución do 13 de decembro de 2019, os/as que dentro do prazo fixado non presenten a documentación ou do exame dela se deduza que carecen dalgún dos requisitos para participar no proceso selectivo, non poderán ser nomeados/as persoal estatutario fixo e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

Cuarto. Só para os efectos de elección de destino, de conformidade co artigo 9 do Real decreto 2271/2004, do 3 de decembro, polo que se regula o acceso ao emprego público e a provisión de postos de traballo das persoas con discapacidade, os/as aspirantes que superasen o concurso-oposición pola quenda reservada a persoas con discapacidade poderanlle solicitar á autoridade convocante, no prazo que se indica no punto terceiro desta resolución, a alteración da orde de prelación para a elección das prazas por motivos de dependencia persoal, dificultades de desprazamento ou outras análogas, que deberán ser debidamente acreditados.

Quinto. A documentación requirida nesta resolución deberase presentar nun rexistro administrativo ou a través de calquera dos procedementos previstos no artigo 16 da Lei 39/2015, do 1 de outubro, e deberase dirixir á Dirección Xeral de Recursos Humanos do Servizo Galego de Saúde, no Edificio Administrativo San Lázaro, s/n, 15703 Santiago de Compostela.

Sexto. Esta resolución poderá ser impugnada nos termos previstos na base XI da Resolución de convocatoria do proceso, do 13 de decembro de 2019 (*Diario Oficial de Galicia* núm. 245, do 26 de decembro).

Santiago de Compostela, 15 de marzo de 2023

Ana María Comesaña Álvarez
Directora xeral de Recursos Humanos



ANEXO

Cociñeiro/a

Nº	DNI	Apelidos e nome	Acceso	Nota OPE	Formación	Experiencia	Outras actividades	Total
1	***8635**	Esperato Vázquez, Lourdes	DI	40,750	8,000	13,450	4,000	66,200
1	***3710**	Pena Juncal, Laura	LI	54,625	8,000	22,100	4,000	88,725
2	***1710**	Vilasuso Bellas, Susana	LI	48,125	8,000	28,000	4,000	88,125
3	***6344**	Arias Lago, José Ramón	LI	45,375	8,000	28,000	4,000	85,375
4	***5301**	Sánchez Piñeiro, Ana Isabel	LI	49,250	8,000	23,950	4,000	85,200
5	***5110**	Otero Viana, Ana Belén	LI	43,875	8,000	28,000	4,000	83,875
6	***7987**	Freire Mella, Mónica	LI	45,625	8,000	25,600	4,000	83,225
7	***9117**	Cabarcos Vizoso, David	LI	50,375	8,000	19,400	4,000	81,775
8	***9041**	Dosil Martínez, Mónica	LI	41,375	8,000	28,000	4,000	81,375
9	***2940**	Fernández Suárez, José Antonio	LI	50,750	8,000	18,600	4,000	81,350
10	***7951**	Manso Bellas, Marta	LI	41,125	8,000	28,000	4,000	81,125
11	***2457**	Feijoo Losada, Pilar	LI	41,000	8,000	28,000	4,000	81,000
12	***8942**	Castro Bailón, María José	LI	40,250	8,000	28,000	4,000	80,250
13	***8594**	Vázquez Gómez, María Concepción	LI	39,500	8,000	28,000	4,000	79,500
1	***1792**	Calvo Varela, María Jesús	PI	47,250	8,000	27,650	4,000	86,900
2	***9821**	Martínez Estévez, José Manuel	PI	48,250	8,000	17,650	4,000	77,900
3	***4596**	Caldeiro Pérez, Álvaro	PI	51,875	8,000	13,200	4,000	77,075
4	***5968**	López Fernández, José Ramón	PI	40,375	8,000	28,000	0,000	76,375
5	***7173**	Pisos Otero, Silvia	PI	46,875	8,000	11,930	4,000	70,805
6	***7863**	López Santiago, Ana Belén	PI	35,125	8,000	17,100	4,000	64,225
7	***8890**	Rey Villamayor, Benjamín	PI	42,500	5,310	12,250	4,000	64,060
8	***9877**	Vázquez Rodríguez, José Andrés	PI	39,375	8,000	11,190	4,000	62,565
9	***7210**	López Ruzo, Sonia	PI	37,375	8,000	11,450	4,000	60,825
10	***1079**	Parga Taboada, María Isabel	PI	35,250	8,000	10,000	4,000	57,250

Acceso: DI: discapacidade xeral; LI: libre; PI: promoción interna.

(*) Ocúltase parcialmente o número do documento nacional de identidade para preservar os datos de carácter persoal, segundo a Lei orgánica 3/2018, do 5 de decembro.

